



Broj: 01-33-5-35548-2/28
Sarajevo, 24-10-2025

SKUPŠTINA KANTONA SARAJEVO
REISA DŽEMALUDINA ČAUŠEVIĆA 1, 71000 SARAJEVO
N/R ELVEDIN OKERIĆ, PREDSEDAVAJUĆI SKUPŠTINE

Predmet: Odgovor na zastupničku inicijativu

3657

Bosna i Hercegovina
Federacija Bosne i Hercegovine
KANTON SARAJEVO

PRIMLJENO:		29-10-2025	
Organizaciona jedinica	Kvalifikaciona oznaka	Broj prijeka	
01	04	49840-1350	

Poštovani,

Vašim aktom 01-04-49840-13/25 od 15.10.2025. godine, dostavili ste nam zastupničku inicijativu zastupnice Mersihe Mehmedović sa 25. radne sjednice Skupštine Kantona Sarajevo "da se proširi lista B lijekova i uvrsti lijek naziva Opsumit ili Macitentan koji se koristi za liječenje Plućne arterijske hipertenzije (PAH) ili inicira interventni uvoz istog".


U skladu sa navedenim, ističemo da lijek macitentan (ATC: C02KX04) nije sastavni dio Odluke o listi lijekova obveznog zdravstvenog osiguranja FBiH ("Službene novine FBiH" 73/24 i 39/25), te shodno ovom i drugim podzakonskim aktima iz ove oblasti nije dozvoljeno proširenje pozitivne liste lijekova kantona sa lijekovima koji nisu sadržani ni u Federalnoj A listi lijekova, ni u Federalnoj B listi lijekova, ukoliko kanton u pozitivnu listu lijekova kantona nije uključio sve generičke lijekove sadržane u Federalnoj A listi lijekova, sa sudjelovanjem zavoda zdravstvenog osiguranja kantona u cijeni lijeka od 100% i Federalnoj B listi, te ukoliko nije u mogućnosti osigurati finansijska sredstva za implementaciju pozitivne liste lijekova kantona u koju su obavezno uključeni lijekovi sa Federalne A liste lijekova, sa sudjelovanjem zavoda zdravstvenog osiguranja kantona u cijeni lijeka od 100% kao i fakultativno lijekovi sa Federalne B liste lijekova. Obzirom da B Lista lijekova Kanton Sarajevo, zbog svoje obimnosti i potencijalno enormnih troškova, ne sadrži sve lijekova sa Federalne liste B, nije moguće uvrstiti lijek Macitentan na kantonalnu listu B.

U skladu sa navedenim, ukoliko cijenite opravdanim, predlažemo da inicijativu za uvrštenje ovog lijeka na listu B uputite prema Federalnom ministarstvu zdravstva koje je kreator Federalne liste lijekova.

Kako Zavod zdravstvenog osiguranja Kantona Sarajevo ima Protokol o realizaciji programa obezbjeđenja lijeka sildenafil za liječenje osiguranih lica oboljelih od plućne arterijske hipertenzije putem kojeg se obezbjeđuje lijek sildenafil, ističemo da do sada nismo imali prijedloge relevantnih propisivača iz Protokola ili njihovih klinika za eventualnim uvrštenjem lijeka Macitentan u ovaj protokol. Ukoliko bi takav prijedlog u budućnosti i postojao isti bi svakako trebao imati i odgovarajuću farmakoeкономsku analizu obzirom da prema dostupnim državnim cijenama lijek macitentan (zaštićenog naziva Masipah) košta čak 14 puta više od lijeka sildenafil (zaštićenog naziva Revatio).

Napominjemo i da svi pacijenti kojima je potreban i preporučen neki lijek a koji nije sadržan na Listi lijekova Kantona Sarajevo ili u programskim lijekovima, u skladu sa odredbama Odluke o listama lijekova Kantona Sarajevo ("Službene novine Kantona Sarajevo" broj 52/24, 16/25 i 24/25), imaju mogućnost da od Zavoda dobiju pomoć u nabavi tog lijeka kroz djelomičnu ili potpunu refundaciju troškova nabavke.

S poštovanjem,



DIREKTOR

Mr.sci.oec.Muamer Kosovac



Dostaviti:

- ① Naslovu;
2. Kabinet Direktora;
3. Služba za farmaceutske poslove;
4. a/a.